

靈寶領教濟度金書卷之一百四十八四十九王

洞微高士開光救苦真人寶金其授

靈寶通玄引教水南先生林靈真編

科儀立成品初標黃籙

第一日早朝行道儀

步虛 燒香頌

各禮師存念如法

衛靈

金真綠霞煥映三天 飛雲丹霄詣天控軒

晨輝啓旦 陰翳俱蠲 九微震空 五星迴旋

萬仙應感 自然妙玄 杳冥散景 分形億千

玄珠光曜 瑞降壇乾 生死蒙惠 灌鍊金泉

魔王恐懼 合景三田 和與道合真

鳴法鼓二十四通

發爐

无上三天玄元始三炁太上道君召出日身

中三五功曹左右官使者侍香金童傳言玉

女五帝直符直日香官各三十二人出出者

嚴裝闡啓玄壇天帝神君當召此間土地里

域真官正神急上關啓且今奉為以今

陛壇行道願得

玉清道炁靈寶妙炁下降流入且等身中即

使玄壇清淨內外成真天無氛穢地絕妖塵

琳琅振響十方肅清萬魔不干真誠上徹令

目所啓速達徑御

太上无極大道至真玉皇上帝御前

請稱法位

具位奉行黃籙大齋法事小兆且某與臨壇

官眾等謹同誠上啓

太上无極大道虚元自然元始天尊太上玉

晨大道君金闕後聖玄元老君十方靈寶天

尊高上玉皇十方已得道大聖眾至真諸君

丈人三十二天帝君東華南極西靈北真上

宰上相上保上傳日月星宿北斗南辰周天

真宰十方无極無量品至真大神飛天神王

長生大聖無量度人君妙行真人天眞皇人

三十六部尊經玄中大法師靈寶玄一經籍

度師侍經五帝玉童玉女歲德尊神土地主

執三界應感一切真靈且聞道判鴻濛清微

御太無之祖炁分清濁赤明傳妙有之宗羅

萬象以凝精散百昌而毓粹帝江潛潭分三

靈高厚之形聖海密游鼓一炁陰陽之度臨

下持衡於微妙受中建極於希夷化羣參調

玄機密運大矣生成之蒂妙哉化育之根且

恭錄清都承符紫極借形燁之尺地旅拜宸

顯罄丹室之寸天普拯民欲上承化雨下霈

仁風今有青詞謹當宣奏

宣詞

按如詞旨極切忱恂謹滲煙霧之蓬門庸集

雲霞之芝侶精思瑤笈鋪繹琅函壇列三層

象玄黃之寶級陛嚴十極開經緯之華門金

龍振八威之符玉鳳奠五靈之絳中嚴華蓋

飛縹緲於芙蓉前擁珠旗舞蔽蕤於鸞影韻

和玉籟芳蕩金華迎霄衛清蹕之音肅祭路

丹華之仗駐黍珠之寶座開碧玉之靈壇九

拜對揚一忱激切為齋主某蠲消塵慮擁集

蕃釐和氣於德容近祥光於福履宏敷鴻

祝宣暢龍恩伏以空洞生神契三微之妙化

飛玄結炁混七粹之英輝靈風扇景於青冥

聖日流輝於碧霄以今清旦行道請法眾等

運茲初捨上香

願此香煙騰空徑上供養

无上至真道寶_目等皈身皈神皈命首體投

地仰依

太上三尊願以是功德上祝

皇帝陛下伏願六龍御運九鳳鳴朝岱嵩齊
壽域之崇光扶寶曆溟渤等福基之大祥衍
璇源招九軌以朝元壯列蕃而拱極今故燒
香自皈依

師尊大聖衆至真之德得道之後保天長存

和與道合真

伏以空碧冲夷符冥寂通玄之妙華清照素
毓虛靈乘景之奇開神藥於丹房凝聖芳於
玄谷以今清旦行道請法衆等運茲二捨上
香

願此香煙騰空徑上供養

无上至真經寶_目等皈身皈神皈命首體投

地仰依

太上三尊願以是功德皈流壽主并伏願天

錫龜齡神資鴻祉宴臺中之日月步武高華

息門外之風濤精神明潤福松蘿而宴喜蔭
乘梓以相歡今故燒香自皈依

師尊大聖衆至真之德得道之後升入無形

和與道合真

伏以四炁高澄翼紫虛而鬱秀三靈輝潤凝
寶耀以流芳巍巍神聖之慈雲蕩蕩玄黃之
法雨以今清旦行道請法衆等運茲三捨上
香

願此香煙騰空徑上供養

无上至真師寶_目等皈身皈神皈命首體投

地仰依

太上三尊願以是功德歸流普天率土塞外
寰中四民三軍百昌庶品伏願生生樂性化
化忘機春滿山林萬姓謳歌於禹跡雲連隴
畝三農鼓舞於堯封飛潛無疵厲之災動植
被涵濡之澤今故燒香自皈依

師尊大聖衆至真之德得道之後其福綿長

和與道合真

禮方

禮方 儀方

三恪頌

樂法以為妻 愛經如珠玉 持戒制六情
念道遠所欲 澹泊正氣俾 蕭然神靜默

天魔並敬護 世世受大福

又

鬱鬱家國盛 濟濟經道興 天人同其願

縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位奉行黃籙大齋法事小兆臣某與臨壇

官衆等謹同誠上啓

太上无極大道元始天尊太上道君太上老君高上玉皇十方已得道大聖衆至真諸君大人大帝天帝三十六部尊經玄中大法師三界官屬一切真靈等福祿先緣慶諧昌世劫周四萬幸逢啓運之期行滿三千莫悟通玄之要誤膺帝渥屢拜師盟佩龍鳳之璠圖膺鸞虬之瓊檢分陰切切尚涉迹於塵樊寸進皇皇莫棲身於雲岫誠非三省蹈過九思期宏道以憲天蓋宣仁而布政今齋主恭歸神紫禁請命女字崇三錄之威儀遵九清之憲令上祈天澤宏敷雨露之恩下冀民生均慶風雲之會切慮七情霧障三業煙迷隸定水之波瀾蕩然欲海漲靈源之清浪浩矣愛河不思操彼岸之舟惟念策長途之駕天和易失人憐多趨四維每叛於躬行三惑益經於踐履三元玉格四極金科昭昭夏日之威凜凜冬霜之令匪憑懺懺曷迓禎祥燒香散花企十華而請命修齋行道瞻三寶以凝神願宏有造之仁為淪無涯之垢雲開閭闔

飛丹鳳於三天日近浮黎煥金難於四界削字憲章之錄移名福壽之編霞映朱顏雲凝綠鬢格杉益茂片塵風掃於門庭蘭桂長新百順雲繡於院宇極潤屋潤身之樂膺宜家宜室之華道炁百千萬重起居密履歲功一十二月出入昭融詩書之世澤千齡文獻之芳猷百世勤拳伺命微切祈思上願洞輔宣行乾坤輝煥日星明潤風雨均調山川呈瑞世之符海嶽孕佐時之彥遠沉萬拱揄關開卧於鏡籟野邁三農扮社不驚於鷄犬操瓢自樂擊壤相歡則上明天尊大慈之澤下副臣等皈命之忱謹啓以聞

發念

一念為道四大合德齋主七世父母免脫憂苦上昇天堂衣食自然
二念帝王國主道化興隆庠序濟濟皇教恢弘威儀翼翼普天所瞻民稱太平四夷賓伏妖惡自滅賢聖日生
三念法師功德大建教化明達俱獲飛仙

四念同志學人早得仙道更相關度
五念九親和睦好尚仁義貴道賤財行為物範

六念損已布施道士及饑寒者天下人民各得其所

七念蠕動跂行一切衆生咸蒙成就

八念救賈前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一切克獲上仙白日登天拜見太上永成真入雲車羽駕和與道合真

復爐
香官使者左右龍虎君侍香諸靈官當今日陞壇行道之所自然生金液丹碧芝英百靈衆具交會在此香火爐前今日學道得道求仙得仙齋主受福幽顯沾恩十方仙童玉女侍衛蘭煙傳日向來所啓速達徑御太上无極大道至真玉皇上帝 仰前

出堂頌
回壇 謝師